



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-14-4-8732/18
Datum : 27.03.2019. godine

Na osnovu člana 108. stav (2) Zakona o organizaciji organa uprave u Federaciji Bosne i Hercegovine („Službene novine Federacije Bosne i Hercegovine”, broj 35/05), člana 21. stav (3) tačka c) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16) i člana 69. stav (1) tačka b. stav (2) tačka d., stav (3), člana 70,71., člana 100.stav (3) i člana 101, u vezi sa članom 60.stav (1) Zakona o javnim nabavkama („Službeni glasnik BiH”, broj 39/14) u postupku javne nabavke „Metalnih namjenskih ormara“ – Konkurentski postupak, Ministar unutrašnjih poslova Kantona Sarajevo u ponovnom postupku d o n o s i:

ODLUKU

o poništenju postupka javne nabavke “Metalnih namjenskih ormara”

I

Na osnovu Obavještenja o nabavci broj 1364-7-1-66-3-56/18 od 13.12.2018. godine, iniciran je konkurentski postupak Javne nabavke „Metalnih namjenskih ormara”.

Obzirom da je u postupanju po nalogu Ureda za razmatranje žalbi datom u rješenju broj JN2-03-07-1-181-7/19 od 07.03.2019. godine kojom je usvojena žalba ponuđača “ITC” d.o.o Zenica, te predmet vraćen prvostepenom organu na ponovni postupak, u ponovnom postupku utvrđeno da je važnost svih ponuda istekla, poništava se postupak javne nabavke „Metalnih namjenskih ormara”.

II

Nalaže se komisiji za javne nabavke Ministarstva unutrašnjih poslova Kantona Sarajevo da u što kraćem roku po pravosnažnosti ove odluke pokrene novi postupak javne nabavke metalnih namjenskih ormara obzirom da su u skladu sa planom javnih nabavki za 2019. godinu predviđena sredstva za ovaj postupak.

III

Ova Odluka stupa na snagu danom donošenja.

Obrazloženje

Dana 12.12.2018. godine od strane ovog Ministarstva donesena je odluka broj 01/14-4-8732 kojom je pokrenut konkurentski postupak javne nabavke “Metalnih namjenskih ormara “. Povodom



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



navedene Odluke sačinjena je Tenderska dokumentacija i objavljeno Obavještenje o nabavci broj 1364-7-1-66-3-56/18 od 13.12.2018. godine na portalu javnih nabavki. Tenderska dokumentacija je obezbjeđena za preuzimanje potpuno besplatno, te je istu preuzelo ukupno 29 potencijalnih ponuđača. U postupku javne nabavke postavljeno je ukupno 5 pitanja, od toga 4 postavljena od strane ponuđača ITC d.o.o Zenica i na sva pitanja dostavljen je odgovor u zakonskom roku.

Prema Tenderskoj dokumentaciji i Obavještenju o nabavci datum i vrijeme otvaranja ponuda predviđeno je za 21.12.2018. godine u 13:00 sati.

Nakon izvršenog otvaranja ponuda koje su pristigle u za to predviđenom roku Komisija je pristupila analizi dokumentacije priložene uz ponudu u smislu provjere njene validnosti obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda u skladu sa procedurama i pravilima utvrđenim tenderskom dokumentacijom, ZJN i pripadajućim podzakonskim aktima o čemu je sačinjen zapisnik o pregledu i ocjeni koji je dostavljen svim ponuđačima.

U vezi sa navedenim dana 21.12.2018. godine donesena je odluka o izboru ponuđača za nabavku „Metalnih namjenskih ormara”, te je kao najpovoljniji ponuđač odabran Adut plus d.o.o Banja Luka. Navedena odluka uredno je dostavljena svim ponuđačima redovnom poštom te javno objavljena na stranici ovog Ministarstva.

Dana 04.01.2019. godine Komisija za javne nabavke ovog Ministarstva obavještena je da je putem faks uređaja dostavljena žalba ponuđača ITC d.o.o Zenica.

Komisija za javne nabavke je nakon uvida u navode iznesene u žalbi i detaljnog razmatranja postupka, jednoglasno predložila ministru Ministarstva unutrašnjih poslova Kantona Sarajevo, da poništi postupak javne nabavke iz razloga ostvarenja mogućnosti za ostvarenje načela citiranih članom 3. Zakona o javnim nabavkama a to je osiguranje pravične i aktivne konkurencije sa ciljem najefikasnijeg korištenja javnih sredstava u vezi sa predmetom nabavke i njegovom svrhom.

Dana 07.01.2019. godine donesena je Odluka o poništenju postupka javne nabavke „Metalnih namjenskih ormara broj: 01-14-4-8732/18 od 07.01.2019. godine.

Dana 14.01.2019. godine Komisija za javne nabavke ovog Ministarstva obavještena je da je putem faks uređaja dostavljena žalba ponuđača ITC d.o.o Zenica.

Ovaj ugovorni organ je sačinio detaljno izjašnjenje na žalbene navode dana 16.01.2019. godine i cjelokupan predmet dostavio na postupanje Uredu za razmatranje žalbi sa prijedlogom da potvrdi odluku o poništenju postupka i odbije žalbu.

Dana 11.03.2019. godine dostavljeno je rješenje Ureda za razmatranje žalbi je donio rješenje broj: JN2-03-07-1-181-7/19 od 07.03.2019. godine kojom je usvojena žalba ponuđača “ITC” d.o.o Zenica, te predmet vraćen prvostepenom organu na ponovni postupak.

U ponovnom postupku utvrđeno je da su ponude svih ponuđača istekle, a usljed činjenice proteka roka važenja ponuda od 90 dana od dana otvaranja ponuda koji je naveden u tenderskoj dokumentaciji na strani 8.tačka 21. Tenderske dokumentacije za predmetni postupak javne nabavke.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16



Otvaranje ponuda u ovom postupku izvršeno je 21.12.2018. godine. Od strane ponuđača naveden je rok važenja ponuda u obrascima za ponudu i obrascima za cijenu ponude kako slijedi :

Ponuda ponuđača Mira mar d.o.o Foča rok važnosti 90 dana odnosno do 22.03.2019. godine,
Ponuda ponuđača Alper group d.o.o Sarajevo rok važnosti 60 dana do 22.02.2019. godine,
Ponuda ponuđača Adut plus d.o.o Banja Luka rok važnosti 90 dana do 22.03.2019. godine.
Ponuda ponuđača ITC d.o.o Zenica rok važnosti 90 dana odnosno do 22.03.2019. godine.
Ponuda ponuđača Kovan MI d.o.o Gračanica rok važnosti 90 dana do 22.03.2019. godine.

Ovaj ugovorni organ u skladu sa članom 60. Zakona o javnim nabavkama nije imao obavezu tražiti produženje važnosti ponuda, a niti je neki od ponuđača u predmetnom postupku, tražio produženje važnosti ponude za vrijeme važenja istih stoga Komisija za javne nabavke nakon detaljnog razmatranja činjenica, jednoglasno predlaže ministru Ministarstva unutrašnjih poslova Kantona Sarajevo, da poništi postupak javne nabavke iz razloga što je rok važenja ponuda istekao.

Cijeneći naprijed navedeno donesena je odluka kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba koja se podnosi Ministarstva unutrašnjih poslova Kantona Sarajevo u roku od 5 (pet) dana od dana prijema , a u skladu sa članom. 99. i članom 101. stav (5) Zakona o javnim nabavkama. Žalba ne odlaže izvršenje rješenja.



Dostaviti:

1. Upravi podrške;
2. Komisiji za nabavke;
3. Odjeljenje za odnose sa javnošću;
4. Ponuđačima u postupku javne nabavke;
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

